

## Statutas

### Egualitad da schlata

Las denominaziùns da parsùnas valan par amaduas schlatas.

### I. Fegnamira a domizil

- Art. 01 L'«Uniun Rumantscha Rezia Bassa» â par fegnamira igl mantegnamaint da la cultivaziùn digl lungatg a da la cultura rumàntscha, spezialmeing igl tgànt rumàntsch tradiziunal.  
El reunescha igls Rumàntschs digl sura numno antschies a promova tut quegl ca survescha a sias tendenzas ala teara rumàntscha ad ala Svizra Bassa, an amprema lingia dantànt agl sura numno antschies.  
An spezial vut el aprofundar l'ancunaschientscha da lungatg a cultura rumàntscha tar seas cumembers, sustaner las lavurs da la Leia Rumàntscha ad otras uniùns da sumeglianta fegnamira, sco eara luvrar an favur digl rumàntsch trànter cumpatriots tudestgs.
- Art. 02 Egl'Uniun Rumantscha Rezia Bassa giodan tut igls idioms rumàntschs igls medems dretgs ad eguala consideraziùn.
- Art. 03 An amparadas politicas a confessiunalas observa l'Uniun Rumantscha Rezia Bassa absoluta neutralitad.
- Art. 04 Sieu liac d'origin a da domizil e Sargans, igl antschies e la Svizra orientala.

### II. Cumembers a lur responsabladad finanzia

- Art. 05 Mintga Rumàntsch ad amitg digl rumàntsch sa davantar cumember. Igls cumembers portan absolutameing nagina garanzeia finanzia cun lur facultad privata. L'Uniun Rumantscha Rezia Bassa stat suletameing garant cun la sia facultad da fatschenda!
- Art. 06 Arisguard antrada ad extrada, recepciùn ad exclusiùn da cumembers valan las relativas prescripciùns digl Cudesch zivil svizer.

### III. Organs

- Art. 07 Sieus organs en:
- La radunànza digls cumembers (radunànza generala)
  - La suprastànza
  - Igls revisurs da quent

#### A. La radunànza generala

- Art. 08 La radunànza generala vean convotgeada da la suprastànza ordinariameing igl amprem quartal digl on ad extraordinariameing sen proposta da la suprastànza neader d'egn tschentgavel digls cumembers. La convocaziùn daventa antras invitaziùn persunala agls cumembers.
- Art. 09 La radunànza generala eligia igl parsura, quater oters cumembers da suprastànza a dus revisurs da quent, a deliberescha las tractandas preschantadas ad ella da la suprastànza. Tractandas d'impurtànza secundara san vagnir deliberadas sainza avisar ordavànt. Davart l'admissiùn a deliberaziùn definitiva d'egna tractanda betg prevazida dezida la radunànza generala.
- Art. 10 Eгна gea par on organisescha l'Uniun Rumantscha Rezia Bassa eгна sera rumàntscha. La suprastànza ad eventualmeing subcumissiùns fan las preparativas nezessarias.

#### B. La suprastànza

- Art. 11 La suprastànza sacumpona da tschentg cumembers (president, actuar, cassier a 2 cunsuprastànts) a constituescha sa seza. Las parsùnas tscharnidas degian, scha pussevel, derivar ord igl antschies da diferaints idioms. Eгна perioda d'ufizi cuza tres ons a feta definitivameing suainter quater elecziùns.
- Art. 12 La suprastànza rapreschainta l'Uniun Rumantscha Rezia Bassa, dirigia sias fatschendas, paragia las tractandas da la radunànza generala a proveda tut quegl ca survescha a sia

fegnamira. Ella e cumpetenta d'adossar incumbensas spezialas a singuls cumembers ad a cumissiùns eligidas dad ella.

### **C. Igls revisurs da quent**

Art. 13 Igls revisurs da quent examineschan igl quent anual sco ear l'administraziùn da las finanzas a raportan sur da quegl a la radunàntza generala.

### **D. Cumissiùns spezialas**

Art. 14 Las subcumissiùns spezialas exequeschan las ordras surdadas ad ella da la suprastàntza:

- dirigent digl Chor mixt rumàntsch
- pagina d'internet
- preparaziùns da feastas
- relaziùns cun las medias
- ad ascheia anavànt.

### **IV. Finanzas**

Art. 15 Igls mieds finanziaals sa cumponan:

- da las contribuziùns anualas digls cumembers
- da legats a contribuziùns voluntarias
- d'entradas ord aranschamaints speziaals (Chor mixt rumàntsch)

La contribuziùn anuala digls cumembers vean fixada mintg'on da la radunàntza generala. Giuvenils tocen 20 ons pajan betg contribuziùn, igls oters cumembers pajan sainza exzepziùn l'antiera contribuziùn anuala.

Art. 16 L'on da fatschenda cuza mintgame antocen igls 31 da dezember.

Art. 17 La suprastàntza e cumpetenta da decretar expensas d'antocen 3'000 frs. par on.

### **V. Cumembers d'anur**

Art. 18 La radunàntza generala sa eliger cumembers d'anur, cumembers c'ân presto fetg buna lavur per l'Uniun Rumantscha Rezia Bassa durànt 20 ons.

### **VI. Revisiùn da las statutas**

Art. 19 Duas tearzas digls cumembers preschaints san dezider davart egna revisiùn da las statutas.

### **VII. Schliaziùn dall'Uniun Rumantscha Rezia Bassa**

Art. 20 Per schliar l'Uniun Rumantscha Rezia Bassa e igl cunsentimaint da duas tearzas da tut igls cumembers nezessari.

Art. 21 Egna eventuala facultad vean surdada a la Leia Rumàntscha a Cuira cun la cundiziùn da surschar quella ad egna eventuala nova instituziùn rumàntscha ala Svizra orientala cun semigliàntas fegnamiras. Sch'egna tala vean betg furmada an tearma da 5 ons, daventa la facultad proprietad da la Leia Rumàntscha.

### **VIII. Disposiziùn finala**

Art. 22 Las statutas da l'Uniun Romantscha District Sargans e conturn digls 30 d'avregl 1966 en vagnidas revididas ad apruvadas cun schlargeada digl antschies a cun la midada digl num an «Uniun Rumantscha Rezia Bassa» a la radunàntza generala digls 18 da mars 2018. Ellas van an vigur cun la data da la radunàntza generala 2018. Revisiùn da l'artetgel 16 a caschùn da la radunanza annuala digls 15-08-2020. Revisiùn digls artetgels 09 ad 11 a caschùn da la radunàntza generala digls 28-08-2021.

Jenins igls 28-08-2021

Par la suprastàntza dall'Uniun Rumantscha Rezia Bassa:

Igl parsura : Rinaldo Caduff

L' actuara : Lea Killias